



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNIK

Broj: 01/13-11-4905/25
Sarajevo, 15.09.2025. godine

Na osnovu Plana održive urbane mobilnosti Kantona Sarajevo (SUMP), broj 01-GV-02-1292/20 od 30.12.2020.godine, usvojenog na 45. sjednici Gradskog vijeća Grada Sarajeva, Odluke o subvencioniranju kupovine bicikala na električni pogon i sportsko-rekreativnih bicikala za građane grada Sarajeva od 13.08.2025.godine i Javnog poziva za izražavanje interesa za poslovne subjekte za učešće u procesu subvencioniranja kupovine bicikala na električni pogon i sportsko-rekreativnih bicikala za građane grada Sarajeva broj: 01/13-11-4391/25 od 13.08.2025.godine, kao i Anexa Ugovora o sponzorstvu potpisanog između Intesa Sanpaolo banke dd Bosne i Hercegovine, Grada Sarajeva i Bracom d.o.o. Sarajevo broj 01/13-11-4675/25 od 01.09.2025.godine, a u svrhu implementacije mjera iz Plana održive urbane mobilnosti Kantona Sarajevo, gradonačelnik Grada Sarajeva raspisuje

JAVNI POZIV

za subvencioniranje kupovine bicikala na električni pogon i sportsko-rekreativnih bicikala, te popravke/servisa sportsko-rekreativnih bicikala za građane grada Sarajeva

PREDMET JAVNOG POZIVA

Predmet Javnog poziva je dodjela subvencija građanima grada Sarajeva za kupovinu bicikala na električni pogon i sportsko-rekreativnih bicikala, kao i subvencioniranje troškova popravke i/ili servisa sportsko-rekreativnih bicikala, u cilju poticanja održive urbane mobilnosti, unapređenja kvaliteta zraka, promocije zdravih stilova života i podizanja svijesti o važnosti korištenja bicikla kao okolišno prihvatljivog prijevoznog sredstva.

CILJ JAVNOG POZIVA

Cilj Javnog poziva je poticanje građana grada Sarajeva na korištenje bicikla kao alternativnog, okolišno prihvatljivog i zdravog oblika prijevoza kroz finansijsku podršku za kupovinu ili popravku, te redovno servisiranje sportsko-rekreativnih bicikala. Na ovaj način Grad Sarajevo nastoji doprinijeti:

- smanjenju zagađenja zraka i buke u urbanim sredinama,
- unaprijeđenju javnog zdravlja i kvaliteta života građana,
- promociji održivih oblika mobilnosti, te
- razvoju biciklističke kulture i infrastrukture u gradu.

Adresa: Hamdije Kreševljakovića 3
71 000 Sarajevo
Tel.: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



PRAVO UČEŠĆA NA JAVNOM POZIVU

Pravo učešća na Javnom pozivu imaju punoljetna fizička lica koja ispunjavaju sljedeće uslove:

1. Imaju prijavljeno prebivalište/boravište na području jedne od četiri gradske općine Grada Sarajeva, i to:
 - Općina Centar Sarajevo
 - Općina Stari Grad Sarajevo
 - Općina Novo Sarajevo
 - Općina Novi Grad Sarajevo
2. Podnesu urednu i potpunu prijavu u predviđenom roku.

Napomena: Pravo na subvenciju za kupovinu bicikala na električni pogon ili sportsko-rekreativnih bicikala može se ostvariti **samo jednom** po fizičkom licu, u okviru ovog Javnog poziva.

FINANSIJSKA SREDSTVA PREDVIĐENA ZA REALIZACIJU

- Za realizaciju subvencioniranja kupovine bicikala na električni pogon ili sportsko-rekreativnih bicikala Grad Sarajevo je u Budžetu Grada Sarajeva za 2025. godinu obezbijedio sredstva u iznosu od 23.250,00 KM. Pojedinačna podrška se realizuje u obliku vaučera u iznosu od 200,00 KM za kupovinu sportsko-rekreativnih, odnosno 350,00 KM za kupovinu bicikala na električni pogon.

- Za realizaciju subvencioniranja popravke/servisiranja bicikala, Grad Sarajevo je u saradnji sa Intesa Sanpaolo bankom obezbijedio finansijska sredstva za 74 građanina/korisnika vaučera. Pojedinačna podrška se realizuje u obliku vaučera u iznosu od 50,00 KM po vaučeru/korisniku. Vaučer se može iskoristiti isključivo za pokriće troškova popravke i/ili servisa bicikla u jednoj od poslovnih jedinica ovlaštenog serviser "Bracom" d.o.o., na području Grada Sarajeva.

Nijedan vaučer se ne može zamijeniti za novac, prenijeti na drugo lice, niti koristiti za kupovinu opreme, dijelova ili drugih roba i usluga koje nisu direktno vezane za servisiranje bicikla.

NAČIN I ROK PRIJAVE

Prijava na Javni poziv vrši se isključivo putem online obrasca:

<https://forms.gle/X7S5UjnZL5Ht5wuB9>

Podnosilac prijave je obavezan popuniti online prijavni obrazac u potpunosti.

Prijave se mogu podnositi do 01.10.2025. godine.

Prijave dostavljene nakon isteka roka neće biti uzete u razmatranje.

Za tehničku podršku i dodatne informacije, građani se mogu obratiti na e-mail:

lejla.beslagic@sarajevo.ba ili pozvati broj: +387 33 221 129 radnim danima od 09:00 do 11:00 sati.

Lista osoba koje su ostvarile pravo na subvencije, biće objavljena na web stranici Grada Sarajeva.

BROJ VAUČERA

Broj vaučera je ograničen, a dodjeljivat će se po redoslijedu pristiglih prijava, do utroška raspoloživih sredstava.

GRADONAČELNIK GRADA SARAJEVA

s.r. Samir Avdić